



What do I need to know if my child gets a formal caution?

Parent/carer information

Yenjö ba dhiil nyic na yök mēndiē Jöōny de lōŋ (awerēŋ de kōōc ye meth cōk kääc nē lo thukulic)?

Awerēŋ de wēl nyuuth mēdhiēth/dumuk

Yenjö yenē jöōny de lōŋ nē wēt de duciēŋ nōŋic kää ke diēŋ?

Duciēŋ nōŋic kää ke diēŋ e kē ye raan looi lēu bī kērac ka cī kērac ka kērilic luōi rōt nē yēnhde ka bī luōi kōc kōk. Jöōny de lōŋ aye lēk mēnh de thukul mēnē ke duciēŋde acī kērac luōi yēen nē yēnhde ka alēu bī kērac ka kērilic bēi enōŋ een ku kōc kōk. Aye looi bī yīin ku mēnh dēt cōk nyic mēnē ke duciēŋde awic bī waar bī piath.

Jöōny de lōŋ e awerēŋ jam nē duciēŋ de mēnhdu nōŋic kää ke diēŋ cī gāt piny. Mēnhdu acī bī cōk kääc nē lo thukulic nē ye kaam kānic.

Yenjö ye tuōl na cī mēnhdiē yiēk (awerēŋ de) jöōny de lōŋ?

Thukul abī jam nē ke duciēŋ nōŋic kää ke diēŋ ku bī jöōny de lōŋ juiēŋ (lēk) mēnhdu. Bāny de thukul eya abī yīin yiēk biāk thōŋ kenē awerēŋ de jöōny de lōŋ.

Kē ye luōi jöōny de lōŋ e bī yīin ku mēnhdu yiēk kaam bī wek kē ye duciēŋde looi ku bī ajuieŋ bī yēen kony gam. Thukul abī yīin ku mēnhdu cōk rām piny kenē keek agokē kē de duciēŋde jaamic ku ajuieŋ ka tīŋ dēt de kää ke kuōny wic mēnhdu keek bī bēŋ looi.

Yīn lēu ba [raan de kuōny](#) bēl kenē yīin nē guōt de amēt ke thukul yiic.

Jöōny de lōŋ e tō agut cī nīn ke 50 luui thukul ke thīn. Nē ye kaam kānic mēnhdu alēu bī cōk kääc nē lo thukulic na bī ye duciēŋ kān bēŋ tuōl ka nē duciēŋ nōŋic/duciēk dēt nōŋ yiic kää ke diēŋ.

Yenjö ba looi na cī mēnhdiē yiēk (awerēŋ de) jöōny de lōŋ?

Nē akōl kōk, ciindīit duēr ya mīth kedhia abī kāŋ looi kää wāac kenē lōōŋ ke thukul ka [Lōŋ Mac Cīēŋ de Mīth ke Thukul](#). Nē akōl kōk, tē tul ye kēnē, jöōny de lōŋ aye bēi bei. Wēl kōk ke lēk tō [kē ba looi na yök mēnhdu kērilic nē thukulic](#) aa tō.

Na yök mēnhdu (awerēŋ de) jöōny de lōŋ, ke luēde e mēnē ke anōŋ kē de duciēk wic bī tīŋ apiath. Jamdu ku luōidu wenē thukul atō tueŋ (apiath arēēt) nē dhōl yenē duciēŋ (ciēŋ) de mēnhdu mac ku bī kää yēen cōk thōk apiath looi etōk. Jam wenē bāny de thukul nē wēt de jöōny de lōŋ ku luōiē wenē akutnōm kony mēnhdu bīk kää bī keek cōk thōk apiath looi.

Yenjö ye tuōl na bī duciēŋ nōŋic kää diēŋ bēŋ tuōl?

Na bī duciēŋ nōŋic kää ke diēŋ bēŋ tuōl nē nīn ke 50 luui thukul ke thīn nē kaam ŋoot jöōny de lōŋ kē tō, ke bāny de thukul alēu bī kuum bī mēnhdu cōk kääc nē lo thukulic looi. Kuum de kōōc acī bī tuōl e ke tē cenē bāny de thukul duciēŋ de meth caaric, ku kää wēn wic mēnhdu ku mīth kōk keek. Wēl ke lēk nē [kuum de kōōc yenē mēnh de thukul cōk kääc](#) aa tō.

Yenjö ba looi na ŋuōt ke ŋen nōŋ guōt de kää diir ŋen?

Na nōŋ kää diir yīin nē biāk de piōc de mēnhdu, duciēk ka guōpden loyūm nē thukulic, ke tē piath benē yēen jōk thīn e ba jam wenē dupiōōc, raan kony bāny de thukul ka raan biōth yecōk. Kāril yiic juēc aa lēu bī keek tiaam nē jam enōŋ kōc nyic mēnhdu ku kää tō en ke thīn.

Nē akōl kōk yīn wic lēu ba dhiil jam enōŋ raan dēt peei. Thukuldu alēu bī yīin yiēk raan ba yök tē de maktam de piōc thiāak ke tē cenē lēu bī kony. Tak eya ba jam wenē akīm de mēnhdu na ye tak mēnē ke nōŋ kää ke tuaany wic tīŋ de akīm nē biāk de kakuōn diir yīin yiic.

Wēl kōk ke lēk nē [jam de kuōny nē biāk de mēnhdu](#) atō, agut cī [Lōŋ Mac Kōmiōniti de Thukul](#) ye jam nē dhōl yenē ke jam kenē thukuul nyuōth.

Ye wēl ke lēk yīndī ke lēu ba keek yök nē thukulic?

Yīn lēu ba thukul thiēc wēl kōk ke lēk jam nē kē cī tuōl ku yenjö (yen cī tuōl). Thukul abī kē ye cōk kē e cōk kē e cī lueel bī looi cī keek lueel bī keek looi juiēŋ/guiēŋ, kää bī keek looi bī tuōl ku yenjö bī looi na nōŋ kē dhal yīin.

Ajuieŋ de wēŋ de thok nē telepuun

Na wic ba jam wenē thukul ku wic kuōny nē jam nē Thoŋ de Linliith, ke yī cōl raan lui nē ajuieŋ de wēŋ de thok tō 131 450, ku lēkkē yēen thoŋ wic bī yīn jam ku thiēc raan lui nē telepuun bī thukul yuōp. Raan lui nē telepuun abī raan de wēŋ de thok bēi nē laanyic bī yīin kuōny nē jamdu. Acīn wēu bī keek thiēc yīin nē ye ajuieŋ kān.